


# Hillcrest High School



IsiZulu 1<sup>st</sup> Additional Language  
Ukuhlolwa kukaJuni 2014  
Ibanga lesishiyagalolunye (Grade 9)  
(MOTHER TONGUE)

Isikhathi: 2 amahora

Umklomelo: 100

**Qaphela:** Fundisisa lonke iphepha ngaphambi kokuqala ukuphendula imibuzo.  
Musa ukuxova imibuzo.  
Phendula ngesiZulu esivumelekile.  
Bhala ngobunono usebenzise ubhalomagama olusemthethweni.  
Bhala ngobunono.

**KUNGAWE MFUNDI !!!**

## 1. Funda indaba elandelayo bese uphendula imibuzo elandelayo NGEMISHO EPHELELE.

### Kugujwa engama-50 yenkulumo kaTata

April 22 2014 at 11:22am  
By INTATHELI YESOLEZWE

[Comment on this story](#)



LESI sithombe esathathwa ngu-Jurgen Schadeberg ngo-Okthoba 13, 1958, sikhombisa uMnuz Nelson Mandela noMnuz Moses Kotane (kwesokunxele) bephuma enkantolo. Isithombe: Themba Hadebe

#### **INTATHELI YESOLEZWE**

EMINYAKENI engama-50 edule uMnuz Nelson Mandela watshela iNkantolo eNkulu yasePitoli ukuthi wayesezilungiselele ukufela iphupho leNingizimu Afrika engenakho ukucwasa ngokwebala.

NgeSonto leli esiphuma kulo bekuphela iminyaka engama-50 uMandela ayethula le nkulumo esengundabuzekwayo nanamuhla ayisho kwiRivonia Trial. Njengoba iNingizimu Afrika igubha iminyaka engama-20 yenkululeko, labo ababekhona kuhlangukiswa inkulumo kaMandela babheka emuva bekhumbula ukuthi yaba namthelela muni ebantwini bakuleli nasemhlabeni jikelele.

Kwakungu-Ephreli 20, 1964 ngesikhathi ummeli wabasolwa uBram Fischer amangaza inkantolo eyitshela ukuthi uMandela, owayengowokuqala kubasolwa abayi-11, uzofundela inkantolo le nkulumo emi lapho okuhlala khona abasolwa kunokuthi aphonswa imibuzo emi ebhokisini lofakazi la ayezobhekana khona nemibuzo.

Enkulumweni eyacishe yathatha amahora amathathu, uMandela watshela inkantolo ngokwaphoqa i-ANC ukuthi iguquke emgomeni wayo wokulwa okungenadlame yaze yaqala ukulwa, ingaqonde kubulala muntu kodwa ilwa nokucindezelwa kwabantu abamnyama.

Kule nkulumo yakhe uMandela wacaphuma amagama asankeneneza namanje ezindlebeni zabaningi: "Ngihlale ngilangazelela intando yabantu nokukhululeka kwethu sonke la khona siyokwazi ukuhlala ndawonye ngokuzwana futhi sonke sibe namathuba afanayo nalinganayo. Yiphupho leli enginesifiso sokuthi ngiliphilele, futhi ngilibone lifezeka. Kodwa-ke Nkosi yeNkantolo, uma kufanele, leli yiphupho engizilungiselele ukuthi ngilifele."

URon Anderson, owayecoshela iphephandaba i-The Star leli cala, wathola ikhophi yale nkulumo ngaphambi kokuba yethulwe.

Eseidleleni ebheke emahhovisi e-The Star, u-Anderson uthi wayesevele azi ukuthi ubone umzuzu obauleke kakhulu kuleli. "Ngiyakhumbula ngihamba emgwaqweni uChurch Square ngiphethe le nkulumo, kanti ngathi kimi: 'Ngiwuphethe ngezandla zami umlando.' Yinkulumo eyingqophamlendo lena," usho kanje ngempelasonto.

"Ngedeso sikhathi inkulumo kaMandela yagcwala lonke elakuleli. Inkulumo ephelele yakhishwa ephaphandabeni iRand Daily Mail. Izingane zayifihla ezincwadini zazo njengoba yaphenduka "isibani esikulu" entsheni eyayilwela inkulukeko," kusho uMnuz George Bizos, owayengummeli wabasolwa nomngani kaMadiba.

UKulhuluma ungekho ebhokisini lofakazi yicebo elingasasetshenziswa manje. UBizos uyakhumbula kuba khona nabanye ababeboshelwe izezo ezithinta ipolitiki abazama ukusebenzisa lona leli qhinga ukuze bagcize amagama abo. Lokhu kwagcina kuqediwe ngumbuso wobandlululo.

Ngesikhathi kuqulwa icala, abameli babasolwa banquma ukuthi uMandela kumele akhulume emi lapho kuhlala khona abasolwa ukuze angaphazanyiswa futhi akwazi ukutshela umhlaba wonke ngezinhloso ze-ANCzokulwela ubulungiswa nokulingana.

"Inkulumo yakhe isabalulekile nanamuhla," kusho uBizos, njengoba besekhona ohulumeni abangaqondile kwananye amazwe, kanti labo abalwela inkululeko basengawakhumbula amazwi kaMandela lapho athi khona kwakufanele ngabe nguhulumeni, hhayi abasolwa, abaquliswa icala.

"Le nkulumo yasabalala umhlaba wonke," kusho uBizos. "Yabanomthelela omkhulu kubo bonke ababalwela inkululeko hhayi kuleli kuphela kodwa emhlabeni wonke."


I-Nelson Mandela Foundation isanda kukhipha isithombe sikaMandela ephuma enkantolo ngosuku agwetshwa ngalo udilikajele. Sathathwa ngoJuni 2, 1964, sithwetshulwa ngumfundi wasenyuvesi oweza na songemuva kokushona kukaMandela ngoDisemba 5 ngonyaka odlule.

## Imibuzo

- 1.1 Le ndaba ikhuluma ngaliphi iqhawe laseNingizimu Afrika? (1)
- 1.2 Leli qhawe laba nasiphi isikhundla esibalulekile eNingizimu Afrika? (1)
- 1.3 Ubani owathatha isithombe esiveza uMnumzane Nelson Mandela? (1)
- 1.4 Lesi sithombe sesineminyaka emingaki sathathwa? Veza lokhu ngesibalo. (3)
- 1.5 Ubani isibongo sentatheli eyathola inkulumo kaMnuz. Mandela ngaphambi kokuba ayethule? (1)
- 1.6 Ayemangaki amadoda ayevele enkantolo noMnuz. Mandela? Bhala inombolo ngesiZulu. (2)
- 1.7 Izwe iNingizimu Afrika yayithola ngamuphi unyaka le nkululeko ayeyilwela uMnuz. Mandela? (1)
- 1.8 Ake utomule igama elisho okufanayo nalokhu endabeni:
  - 1.8.1 ukuthethwa kwecala (1)
- 1.9 Phendula ngo **Yebo** noma **Cha**:
  - 1.9.1 Ummeli nomngani kaMnumzane Mandela kwakunguMnuz. George Bizos. (1)
  - 1.10.2 Le nkulumo kaMnumzane Mandela ayishicilelwanga emaphepheni. (1)
  - 1.10.3 URon Anderson, owayecoshela iphephandaba i-The Star (1)
  - 1.10.4 UMnuz. Mandela wayeyilunga eliqinile le-IFP. (1)
  - 1.11 Lesi senzo sikaMndela nabanye sayiguqula kanjani impilo yakho. Bala okubili okwaguqulwa yilawa madoda (3)
  - 1.12 Yini ebiyenziwa ngomhla ziyi-7 Meyi 2014 eNingizimu Afrika neyayilwelwa yilawa madoda? (1)
  - 1.13 Wena yini oyikhumbulayo ngaleli qhawe lezombusazwe uMnu. Mandela ongeke wayikhothlwa? (1)

[20]

2. Funda isikhangiso esilandelayo bese uphendula imibuzo oyinikiwe ngemisho EPHELELE.



**AYAPHELA AMAKHUPHONI EBHASI 1 APRIL 2014**

**MOVE TO MUVO! UNGAWINA**  
**UKUGIBELA MAHHALA UNYAKA WONKE**  
**Ukungenela:** Thola ikhadi lakho le-Muvo, ulisebenzise izikhathi eziyishumi noma ngaphezulu uzibeke ethubeni lokuwina ngaphambi komhlaka 1 April 2014.

**I-MUVO CARD YAKHO ITHOLAKALA:** 1. Kwikhona lika -Samora Machel (Aliwal) Street ne-Monty Naicker Street (Pine) 2. Kwikhona le-Soldiers Way, Victoria Street ne-Queen Street. Iziteshi ze-Muvo: E-Thekwini Municipality Revenue Banking Hall e-Florence Mkhize Building, 251 Anton Lembede Street. Ama-MuvoSmart Vans: Atholakala ezitobhini ezahlukene eduze kwemizila emikhulu yamabhosi edolobheni lonkana, E-Thekwini Municipality Sizakala Centres: Ezindaweni ezahlukene edolobheni lonkana.

Powered by **Standard Bank**

Shayela: 0800 00 MUVO/6886  
 noma SMS 44524 (mahhala)  
 noma iyaku: [www.muvo.co.za](http://www.muvo.co.za)

**muvo** **mu**  
 The Standard Bank Group  
 @muvocard  
 facebook.com/muvocard

## Inombuzo

- 2.1 Yini ongaziwinela yona ekhangiswa kulesi sikhangisi? (1)
- 2.2 Yiliphi ibhange elixhase lo mkhankaso wamakhadi okugibela ibhasi? (1)
- 2.3 Azophela nini amakhuphoni akhangiswe lapha? (1)
- 2.4 Ungawasebenzisa kuliphi idolobha lawa makhupho phakathi kwalawa, iTheku, iGoli, iseKapa? (1)
- 2.5 Yini edale wakhetha le mpendulo oyibhale embuzweni wesi-2.4? (2)
- 2.6 Usubizwa ngaliphi igama umgwaqo uPine Street? (1)
- 2.7 Kubiza malini ukuthumela umqhafazo (sms) kule nombolo ethi 44524. (1)
- 2.8 Humushela lawa magama esiZulwini, 'Move to Muvo.' (1)
- 2.9 Ukuvezwa kowesifazane omuhle nogqoke kahle kulesi sikhangisi kusichazelani ngamabhasi? (2)

[11]

## ISIQEPHU B

2. **Khipha amabizo alezi zigaba ezilandelayo endabeni oyifunde embuzweni 1, bese wakha imisho engahambelani nendaba. Dwebela ibizo lakho.**

- 2.1 4
- 2.2 9
- 2.3 5

(6)

3. **Qedela le misho elandelayo ngezivumelwano zenhloko ezifanele. Bhala umusho wonke udwebele isivumelwano.**

- 3.1 Thina \_\_\_thole inkuleko eminyakeni eyishumi edlule.
- 3.2 Amabhasi eMuvo \_\_\_phathana kahle.
- 3.3 Ikhadi lebhasi \_\_\_tholakala kalula.


(3)

4. **Nciphisa lawa magama abhalwe ngokunzima. Bhala impendulo kuphela.**

Abantu bebelokhu beziqhenya ngalamavoti abo bethi asingavoteli iqembu lethu ngoba lizokwehlulwa. Manje sebekhala nge-IEC sebethi kube nomkhonyovu kulolu khetho lalo nyaka. Unjalo umuntu uma esehluliwe.

(3)

5. Buka isithombe esilandelayo bese wakha imisho ezoveza izabizwana ozibuziwe. SIDWEBELE isabizwana sakho.



- 5.1 Isabizwana soqobo
- 5.2 Isabizwan sokukhomba buqama
- 5.3 Isabizwana sokubala usebenzisa isiqu u-nke
- 5.4 Isabizwana sokubala usebenzisa u-bili

(4)

6. Buka lesi sithombe esilandelayo bese uzakhela imisho echazayo lapho usebenzise khona isiphawulo osakhe ngeziqu zesiphawulo ozinikiwe. DWEBELA isiphawulo osisebenzisile.



- 6.1 -hle
- 6.2 -khulu
- 6.3 -sha
- 6.4 -thathu

(4)

**7. Qondanisa loko okuku- A kanye naloko okuku- B:**

Isibonelo: 7.1 > ix

A	B
7.1 uthatha ngozwane	i) ukukhohlisa
7.2 ukudla phansi	ii) uyantshontsha.
7.3 ukubamba udonga	iii) ukulalela okushiwo kuqala.
7.4 ukubamba elentulo	iv) ukubaleka

(4)

**8. Gagula abantwana balezi zilwane. Bhala impendulo kuphela.**

- 8.1 Umntwana wemfene.....
- 8.2 Umntwana wenyoni.....
- 8.3 Umntwana wenja.....

(3)

**9. Ake usebenzise lawa magama alandelayo emishweni emibili ukukhombisa ukuthi anezincazelo ezimbili ezingefani. DWEBELA igama olisebenzisile umusho ngamunye.**

- 9.1 Ithanga
- 9.2 Umkhumbi
- 9.3 Abathakathi

(2)

(2)

(2)

(6)

**10. Ake ubhale igama elilodwa elichaza lokhu okulandelayo.**

- 10.1 Umuntu ongezwa ezindlebeni.....
- 10.2 Ingane yokuqala kubazali bayo .....
- 10.3 Umuntu ongalaleli uma etshelwa enze intando yakhe.....

(1)

(1)

(1)

(3)

**11. Abantu bakuziphi izibongo esibathakazela kanje?**

- 11.1 Njomane
- 11.2 Khabazela
- 11.3 Msholozu

(1)

(1)

(1)

(3)

Umakhelwane

ISIQEPHU C

S. J. Nkosi A. M. Maphumulo M. C. Seme

**12. Khetha abalingiswa ABABILI ubachaze ukuthi bangabantu abanjani nokuthi basisifundisani ngempilo. Bhala amaphuzu ayi-8**

- |                   |                  |     |
|-------------------|------------------|-----|
| 12.1.1 uMdletshe  | Isijeziso        | (7) |
| 12.1.2 uMdunge    | Impunga yehlathi | (7) |
| 12.1.3 uMhlupheki | Isithombe        | (7) |

**13. Funda lesi siqephu esilandelabese uphendula imibuzo esilandelayo ngemisho ephelele**

Kwabanda amathumbu kuMdletshe. Uzomememza athini. Ngoba uma ememeza umuntu wokuqala nje ozomuzwa nguJele isitha sakhe. Ngcono ukubane uyakwazi ukujikisa izwi lakhe. Abuye aqalaze. Inkulu ingozi alengela kuyo lapha. Ngale kokuthathwa yizikhukhula enye ingozi abhekene nayo eyezinyoka. Imamba emnyama imthole lapha emveni kokuciphizwa yizigodo lezi eziza nomfula! Lumeqe futhi uvalo.

- 13.1 Sithini isihloko sale ndaba lapho kuthathwe khona lesi siqephu? (1)
- 13.2 Wayevela phi uMdletshe njengoba esesenkingeni lapha nje? (1)
- 13.3 UMdletshe noJele babebangeni njengoba esembiza ngesitha sakhe? Chaza ngemigqa emithathu. (3)
- 13.4 Wagcina esizwe ubani uMdletshe njengoba wayesenkingeni? (1)
- 13.5 Yisiphi isifundo osifunde kule ndatshana yoMdletshe noJele? Chaza ngemigqa emithathu. (2)

[8]

**14. Funda lesi siqeshana esilandelayo bese ugcwalisa imisho elandelayo ngegama elifanele. Bhala impendulo kuphela.**

Usewenzile umsebenzi obalulekile uMaJali. Acabange. UMdunge kumele afice umuzi wakhe uhlanzekile. Wangena-ke ezindlini manje. Waqala ngokushanela wase esinda. Emveni kwalokho washanela ibala. Nokho ukwenza konke lokhu nje abantu balapha eMakhowa sebeyazi ukuthi kuzobe kubuswa lapha kwaMdunge ngoMgqibelo.

- 14.1 UMaJali lo osewenzile umsebenzi wakhe ugane u\_\_\_\_. (1)  
14.2 Igama likamfowabo ka Mdunge u\_\_\_\_\_. (1)  
14.3 UMdunge wayezoboleka ivolovolo ku\_\_\_\_\_. (1)  
14.4 UMuzi ka Mdunge usendaweni yase\_\_\_\_\_. (1)  
14.5 Umakhelwane u \_\_\_\_\_ owayethakatha umuzi kaMdunge (1)
- (5)

### 15. Phendula le mibuzo ngukuthi uthi IQINISO noma IPHUTHA

- 15.1 Igama le ntombi kaMhlupheki uThandiwe.  
15.2 UMhlupheki wazitholela umakoti engosini yephepha ethi, "Umaqondana."  
15.3 UMhlupheki uhlala esigodini saseMphonsanyoni.  
15.4 Isibongo sikaMhlupheki uDunga.

**ISAMBA SESISONKE: 100**

